

駁案續編

卷三四

駭案續編卷三

目錄

夫姪行竊擻溺擅殺

出嫁姪女犯姦主使勒死照罪人已拘而擅殺

卑幼致小功尊屬篤疾

強姦未成聽從加功致死本婦

男子和姦羞愧拒姦擅殺

拒姦踢傷雇主身死

本夫姦所獲姦將姦婦殺死姦夫到官不諱

因姦唆訟起意勒斃

推溺犯姦卑幼

同姓捉姦致傷姦夫

毆死姦妻前夫之女照擅殺擬抵

白硫磺

附
砂

洛陽

駁案續編卷三

四川司

一起爲訪聞事會看得儀隴縣民婦易蕭氏網溺夫姪易紹華身死一案先據四川總督孫疏稱緣易紹華係易蕭氏期親夫姪分居已久易紹華之母早故父兄遠出未歸乾隆五十二年九月內易紹華行竊唐富家衣物經易蕭氏代爲賠贖寢事五十四年七月十五日夜易蕭氏家被竊籬簍穀子次早知覺偕子易紹富出外找尋行至中途瞥見易紹華挑籬前行易蕭氏認係原贓令易紹富押令挑回理斥其非易紹華頂撞易蕭氏用竹片毆傷易紹華左臂膊易紹華愈肆喊罵易蕭氏令易紹富抱住自取繩索將易紹華手足網縛欲行報官易紹富求饒易蕭氏不允周繼連等解勸易蕭氏總不允從周繼連等各散易蕭氏令易紹富將易紹華扛擡送究易紹華掙扎擡至河邊不能擡送將易紹華放地易蕭氏令易紹富去邀鄰佑幫擡易紹華臥地叫罵聲言到官並無死罪日後定將易蕭氏殺害易蕭氏氣忿頓起殺機將易紹華推入河內溺斃易紹富同鄰佑張文燦等走至業已無及張文燦等欲行報官易紹富懇求免報並求幫同掩埋張文燦等惟恐拖累當卽允從將屍撈起私埋匿報經縣訪聞獲犯驗訊奉批審擬詳解覆鞫據供前情不諱查易紹華係易蕭氏期親夫姪其行竊穀子雖律應減等但查卑幼因圖姦有服親屬被尊長忿激致死無論謀故悉照擅殺定擬將易蕭氏照擅殺罪依毆殺夫之兄弟子

律擬以滿流等因咨部經臣都查親屬犯有服愈親則罪重而相盜財物服愈近則罪愈輕故親屬因姦盜起釁有犯殺傷罪名輕重懸殊例意判然難容牽混此案易蕭氏因夫姪易紹華先曾行竊唐富家衣物經該氏代賠寢息後復行竊該氏雞穀該氏偕子易紹富將易紹華網縛送官易紹華臥地叫罵聲言日後將蕭氏殺害該氏氣忿頓起殺機即將易紹華推入河內溺斃等情查易紹華係易蕭氏期親服姪其行竊該氏雞穀律得減凡人五等本與尋常犯竊不同該氏既將易紹華網縛送官輒因其臥地叫罵聲言日後殺害即起意致死推河溺斃與卑幼圖姦親屬尊長忿激致死者情罪迴殊自應照殺傷本律從重論乃該督會故殺正條於不問而牽引卑幼圖姦起釁被尊長忿激致死依擅殺罪人例擬流咨部案情與例義不符罪名生死出入本司碍難率覆應令該督另行按例妥擬具題到日再議等因咨駁去後今據川督鄂疏稱緣查此案前據縣府審解易蕭氏原擬絞候經署司林儒以尊長平時與卑幼有犯一切罪名俱較常人減輕常人致死竊賊無論是謀是故悉依擅殺之律以闕殺科斷尊長服制攸關其致死行竊之卑幼反不能如常人之殺賊依擅殺定擬是卑幼因服制而得輕尊長轉因服制而加重又易紹華不安本分該犯曾經管教並非尊長之教不先追後易紹華行竊外人衣物該氏又代爲賠贓寢事其於睦嫻任卹之誼亦屬曲盡無遺隨將易蕭氏改依罪人已就拘執而擅殺以闕殺論毆殺夫

西媒婦女
犯姦主使
勒死照罪
人已拘而
置

之兄弟子杖一百流三千里律擬以杖流經前督臣具咨刑部隨准部駁以易蕭氏應照故殺卑幼定擬等因復據該署司親提易蕭氏到案訊供與前供無異遵照部駁改正將易蕭氏擬絞監候張文燦等擬杖等因具題前來據此應如該督所題易蕭氏應改依故殺夫之兄弟子絞監候律擬絞監候秋後處決該督既稱張文燦鄧繼佐聽從私埋匿報訊無受賄情事應照地界內有死人不報官司而輒埋藏者杖八十律應杖八十各折責三十板事犯在赦前所得杖罪亦應援免易紹富係易紹華大功堂兄其幫抱網縛係聽從母命當易蕭氏推溺之時究惟同謀加功其私埋匿報亦係律得容隱唐富被竊因係親誼未報均免置議屍棺給屬領埋無干省釋等語均應如該督所題完結再該督疏稱此案該縣府原擬絞監候該署司改擬流罪今蒙部駁自應據實聲敘所有舛錯職名係署四川按察使事鹽茶道林儒相應開參等語查此案改擬失當之署按察使事鹽茶道林儒已據自行檢舉經該督具奏欽奉諭旨所有交部議處之處著加恩寬免在案應毋庸再議等因乾隆五十六年七月初八日題十一日奉旨蕭氏依擬應絞著監候秋後處決餘依議欽此

四川司 一起羅其中因小功姪女李羅氏與李懷玉通姦主使羅洪氏勒傷李羅氏身死一案先據原署四川總督孫咨稱羅其中係羅氏本宗小功服叔素無嫌隙羅氏嫁與李添錫為妻李添錫與同姓

不宗之李懷玉近鄰居住時相往來李羅氏素不避忌乾隆五十九年六月十四日李懷玉赴李添錫家閒耍適李添錫外出李懷玉隨與李羅氏調戲成姦迨後非止一次李添錫並不知情十一月十三日李懷玉又與李羅氏在房續舊李添錫回歸撞獲卽將李懷玉扭住喊叫李羅氏堂兄羅德裕告知情由並邀羅德裕幫同送官李懷玉乘間掙脫跑逃次日李添錫赴縣控告羅德裕向羅其中告知前情羅其中氣忿赴李羅氏家斥罵回家羅其中以李羅氏敗壞門風玷辱祖宗有闕親族顏面忿恨莫遏起意將李羅氏勒斃以免到官出醜又因自己年老不能致死十六日早羅其中至姪媳羅洪氏家囑令羅洪氏將李羅氏勒斃羅洪氏不允羅其中用言嚇逼並稱勒死後有事係伊一人就承羅洪氏被逼勉從早飯後羅其中逼住羅洪氏同至李羅氏家羅其中在外看人羅洪氏一人進屋見李羅氏臥在牀上羅洪氏卽解取拴腰布帶上牀騎壓李羅氏身上兩膝跪住李羅氏兩袖用布帶纏繞李羅氏項頸李羅氏掙扎羅洪氏用力緊勒適李添錫之姊姜李氏赴彼探望聽聞聲息進房查看羅洪氏卽由後門而逸羅其中趨視業經姜李氏將布帶解脫羅其中因見李羅氏受傷未死將姜李氏埋怨旋卽回歸詎李羅氏傷重延至十九日因傷殞命報驗審供不諱查李羅氏與李懷玉通姦經本夫姦所捉姦本屬有罪之人羅其中主令羅洪氏勒斃究因李羅氏玷辱祖宗有關合族顏面起見自應照例科斷李羅氏係羅其中小功姪

女出嫁降服繼麻將羅其中依尊長毆繼麻卑幼致死律絞罪上減一等擬流羅洪氏係李羅氏兄妻至死律同凡論其聽從下手勒傷李羅氏身死自應依例定擬將羅洪氏依謀殺人從而加功者絞罪本律上減等擬流照律收贖李懷玉依軍民相姦例枷號一個月杖一百等因咨部經臣部查律載罪人已就拘執而擅殺者以鬪殺論鬪殺者絞監候又例載有服尊長殺死罪不致死之卑幼如果訓誡不悛尊長因玷辱祖宗起見忿激致斃者無論謀故爲首之尊長悉按服制於毆殺卑幼本律例上減一等聽從下手之犯無論尊長凡人各依爲從餘人本罪上減一等定擬若有假託公忿報復私仇及畏累圖謀挾嫌貪賄各情者均不得濫引此例各等語查婦女之有服尊長例內原包夫家母家而言但女子出嫁與在室有別若在室之女及夫家休回者有犯姦淫等項經其母家有服尊屬惡其玷辱忿激致死自應按照有服尊長忿激致斃之條至女子出嫁義當從夫卽應斟酌案情分別辦理不得一例槩從末減今羅其中係李羅氏母家降服繼麻尊屬李羅氏出嫁後在夫家與人通姦經本夫於姦所撞獲赴縣控告並未休棄回家自應聽本夫作主控告理處雖李羅氏之敗壞門風亦關羅姓顏面但女子業已出嫁卽有從夫之義如果李羅氏犯姦後本夫甘心縱容並不告官申理羅其中激於義忿將該氏勒斃尙可照服制減等定擬茲本夫旣已控告自有官法處治羅其中有何迫不及待之情輒將李羅氏乘機殺害是其不

待官爲審理卽應治以擅殺之罪不當牽引尊長忿激致死滅等之文案情既未確實擬罪亦未妥協未便率覆行令該督另委賢員詳細研究務得實情按例妥擬到日再議等因咨駁去後嗣據代辦四川總督英 疏稱提犯親訊無異查李羅氏與李懷玉通姦本夫李添錫並未縱容業經赴告自有官法處治乃該犯羅其中迫不及待輒行主使羅洪氏將李羅氏勒傷致斃誠如部駁其不待官爲審理卽應治以擅殺之罪不當牽引尊長忿激致死滅等之文前擬流罪實未允協遵照部駁將羅其中依罪人已就拘執而擅殺律擬絞監候羅洪氏仍照前擬杖流收贖等因嘉慶二年七月十二日題十四日奉 旨羅其中依擬應絞著監候秋後處決餘依議欽此

直隸司

一起爲報明事刑科抄出直督胡

題前事等因嘉慶五年八月二十三日題九月初七日奉

旨三法司核議速奏餘著議處具奏該部知道欽此本部會同院寺會看得先據直督胡 疏稱祁州舊案秋審絞犯賈德旺前因向小功母舅趙良智索討許分錢文未給該犯欲行回家趙良智不允村罵該犯分割趙良智卽揪住該犯拳毆該犯掙脫趙良智復向毆打該犯情急用刀嚇砍致傷趙良智左額角并右臂膊右肘右手腕趙良智用左手將刀捏住拉奪該犯將刀抽回劃傷其左手心連無名指根歇手餘傷平復惟右手腕筋斷骨歪左手心筋斷無名指骨折均未能運動已成篤疾刃傷小功母舅數成

筋疾照律擬以絞候嘉慶三四兩年秋審均擬情實奉

旨停勾今據該州驗明趙良智右手腕不能

運動右肘肘微動左手中指無名指不能曲伸左手腕已能運動大指食指亦已活動并可摘取什物是趙良智筋疾已痊僅止成廢取有地鄰人等供結呈請題請減流查賈德旺原題內擬以絞候入於秋審情實該犯幸沐

皇仁兩次停勾現在趙良智筋疾已痊僅成廢疾可否准其減流之處出自

聖

恩等因具題當經

臣

部查律載折跌人肢體及瞎人一目皆成廢疾杖一百徒三年瞎人兩目折人兩肢

損人二事以上至筋疾者杖一百流三千里又卑幼毆外姻小功尊屬折傷以上遞加凡鬪傷一等罪止

杖一百流三千里筋疾者絞監候又辜限內雖平復而成廢疾筋疾者依律全科各等語是筋疾之與廢

疾在凡鬪則有徒流之別在服制則有生死之分必驗明被毆者之筋疾已成而後毆人者之罪名始定

誠以斷者不可復續醫者不可復明筋疾之不能爲廢猶廢疾之不至成篤非如傷痕之猶可立限醫治

冀就平復也此案賈德旺於嘉慶元年四月十九日用刀砍傷小功母舅趙良智檢閱原題據該督疏稱

趙良智右手腕筋斷骨歪并帶傷右肘肘左臂膊因手心筋斷亦不能運動二事俱損已成筋疾將賈德

旺擬以絞候於二年三月二十一日具題今復據該督驗明趙良智右手腕不能運動右肘肘微動左手

中指無名指不能曲伸左手腕已能運動大指食指亦已活動并可摘取什物筋疾已痊僅止成廢取結

題請減流等因查賈德旺於嘉慶元年犯事二年題結又越三四兩年之久兩次入於秋審情實幸遇停勾之年未經處決今該督忽稱被毆之趙良智篤疾已痊僅止成廢題請減流設非兩次

停勾則

賈德旺早罹重辟其先入人死罪已決之咎將誰當之如果篤疾而可醫治成廢則廢疾亦可醫治平復若凡闕廢疾之案事越三四年後而其人醫治平復則徒役早經限滿又將何以減之不特歷來無此例案揆諸情理亦殊多未協且據該督疏內現稱驗明趙良智右手腕不能運動左手中指無名指不能曲伸是左手仍未全愈是否僅成廢疾亦尙難懸定是此案非今日捏報開脫即從前定案革案關秋審兩次情實重犯臣部未便率覆應令該督另委賢員再行詳細驗訊即使趙良智果係僅止成廢已屬確鑿賈德旺罪應擬流亦應查取從前錯擬絞罪之承審各官職名並提訊刑件人等有無別情一并按律定擬具題到日再行核辦等因嘉慶五年六月二十一日題二十三日至

曾部駁甚是依議欽此等

因咨行去後茲據該督胡疏稱飭提趙良智到省委員親加細驗其右手腕筋斷骨歪不能運動右腕

肘微動左手心筋斷中指無名指筋骨損難以曲伸惟大指食指微有活動僅可夾取細輕之物而指節未能彎曲左手腕稍動亦僅能擡至胸前難以高舉誠如部駁是其左手仍未全愈自應仍以篤疾論將賈德旺仍照原擬依律擬絞監候等因具題前來據此應如該督所題賈德旺仍合依律勒限外編

原稿未成
處從加功
雲苑本

小功尊屬篤疾律擬絞監候秋後處決仍入於本年秋審情實辦理該督既稱刑書李昌雲件作賈奉玉
據訊並無賄囑情事惟不細心辨驗明確輒據趙良智呈供甘結率行詳報咎實難辭若照失減死罪從
流之例業已減盡無科李昌雲賈奉玉應照不應重律杖八十各折責三十板俱革役趙良智呈報不實
訊因憐念伊妹同氣之情希圖伊甥減罪起見並無受賄別情尙屬可原應與聽從父命代寫呈詞之趙
潮成扶同出結之鄰佑武際盛均請免議等語均應如該督所題完結該督又稱祁州知州姚希慶於趙
良智呈報後並不細心辨驗明確卽訊取供結率行詳報殊干例議率詳之保定府知府傅修按察使同
興暨_臣均例有處分相應附疏陳明聽候部議等語恭候 命下_臣部移咨吏部照例辦理等因嘉慶

五年九月十二日題十四日奉 旨賈德旺仍依擬應絞著入於本年秋審情實餘依議欽此

直隸司 刑部爲報明事刑科抄出暫署直隸總督熊 題前事等因嘉慶七年五月十二日題六月二

十三日奉 旨三法司核擬具奏欽此該_臣等會看得完縣民人馬二疤聽從田二強姦曹任氏不從

將氏致死滅口幫同移屍並田二旋卽在監病故一案先據前任直督陳 疏稱緣馬二疤籍隸完縣備

工度日每遇秋收爲人看青與寄住完縣之深州民人田二認識交好嘉慶五年七月十三日將晚時分

田二在西南莊看青瞥見曹二小之妻曹任氏獨自一人由彼經過田二頓萌淫念起意強姦適馬二疤

躍至田二卽以任氏少艾又因天晚無人往來邀馬二疤同去拉姦倘任氏不依卽捉住強姦馬二疤應允田二當卽前行馬二疤打火吸烟隨後走至詎田二強姦任氏不從任氏嚷罵并將田二衣服撕破田二氣忿將任氏捺按倒地搭住咽喉任氏兩腳掙動田二慮恐甦醒敗露令馬二疤解去任氏腿帶勒死滅口馬二疤始猶未允因被田二恐嚇畏懼隨上前按住任氏右腿將任氏所繫腿帶解下遞與田二田二卽用帶纏繞任氏項頸用力拉勒任氏立斃其命均未成姦田二因屍身相近大道惟恐易於敗露隨與馬二疤將任氏屍身擡至劉添受與宋成名相連地內拋棄田二因任氏將伊衣服撕破當將任氏身穿深藍布褂剝取馬二疤見任氏遺有布包亦順手拾起旋卽各散馬二疤行至中途慮恐被人看破不敢攜回家內將布包埋於村道北地內而回迨至是月二十一日經地主劉添受赴地查看瞥見屍身喊嚷經馬二疤聽聞慮恐敗露用言阻止令其私埋免致受累劉添受卽向宋成名告知鳴同地方報縣馬二疤聞知畏懼當卽逃逸經完縣蔡本謙勘驗訊詳嗣經緝獲訊供詳報經前任護督臣顏檢以事關強姦謀命重情批飭提省委員審辦旋據完縣詳報案犯田二染患瘡毒在監病故卽經飭委滿城縣知縣續俱揚前往驗訊明確並據該縣將犯卷批解來省飭令保定府督同清苑縣審辦去後茲據該縣等審晰前情擬議招解屢審供認不諱覆請委無輪姦已成情事查田二因見任氏行走胆敢起意商同馬二

兇將任氏拉住欲行強姦因任氏不從嚷罵撕破衣服又復將任氏推倒搭住咽喉起意致死滅口令馬二疤解取任氏腿帶套勒項脖以致立時斃命實屬淫惡不法查輪姦光棍與強姦殺死本婦首從罪各相等自應從一科斷田二應照光棍爲首例擬斬立決業已在監病故應毋庸議馬二疤聽從田二強姦任氏固未成姦第當田二按住任氏咽喉之時並不力爲勸阻復聽從按住任氏右腿解取腿帶任其勒斃實屬同惡相濟馬二疤除聽從移屍輕罪不議外將馬二疤依例擬以絞候等因具題經臣部查例載川省咽喉因輪姦而殺死人命者無論成姦與否俱照強盜殺人例斬決梟示又例載輪姦之案審實照光棍爲從例分別首從定擬又強姦不從立時殺死本婦者擬斬立決又律載謀殺人造意者斬監候從而加功者絞監候各等語此案馬二疤因田二起意強姦任氏邀馬二疤同去拉姦倘任氏不從卽捉住強姦馬二疤應允詎田二因強姦任氏不從搭住咽喉慮恐敗露令馬二疤解取任氏腿帶勒死滅口馬二疤始猶未允因被田二恐嚇畏懼隨上前按住任氏右腿將任氏腿帶解下遞與田二田二卽用帶將任氏勒斃詳核案情當田二糾邀馬二疤拉姦任氏之時如係彼此商謀輪姦殺死人命俱應照強盜殺人例斬決梟示如係田二起意強姦僅邀馬二疤幫捉則馬二疤本無圖姦之心迨田二行強拉姦任氏不從起意致死滅口馬二疤聽從按腿解帶遞與田二將任氏勒斃是田二強姦不從殺死本婦罪應斬

快馬二疤聽從謀命律應贖首罪名各有專條既不得以輪姦首從亦不應照強姦殺死本婦例分別首從科罪且查強姦殺死本婦例亦無爲從明文今該督疏稱輪姦光棍與強姦殺死本婦首從罪名相等從一科斷將田二照光棍爲首例擬以斬決在監病故毋庸議馬二疤照爲從例擬以絞候是取其邀拉強姦之供復律以輪姦首從之罪又牽引強姦殺死本婦之條臆斷首從揆之案情例義均未允協總之馬二疤是否彼此商謀輪姦抑或係聽從幫拉僅止謀命加功罪名出入攸關臣部未便率覆應令該督另委賢員虛衷研鞠務得實情按例妥擬具題到日再議等因嘉慶六年十二月初六日題初八日奉旨部駁甚是依議欽此等因題駁去後茲據該署督疏稱復提犯研鞫據馬二疤供稱嘉慶七年七月十三日晚該犯赴西南莊閒遊田二在彼看青因曹任氏由彼經過田二起意強姦慮恐任氏不從隨邀該犯同往幫拉以便強姦該犯因與田二交好不料遂成命案含糊答應田二當卽前行該犯因思強姦究不可行未敢偕往卽自行打火吸烟又恐田二鬧事隨後赴彼查看詎田二因強姦任氏不從已將任氏按倒在地堵住咽喉任氏兩腿掙動田二慮其甦醒致事敗露令該犯解取任氏腿帶勒死滅口該犯以任氏旣不允從可以歇手何必致死始由未允田二用言恐嚇畏懼隨聽從上前按住任氏右腿將氏所繫腿帶解下遞與田二田二卽用帶纏繞任氏項脖子用力拉勒斃命田二並未成姦該犯實無圖姦之心

亦未與田二商謀輪姦並稱如果立意輪姦何不同行一人捉住一人強姦等語嚴詰至再矢口不移委無遁情查田二因見曹任氏孤身行走起意圖姦慮恐不從邀同馬二疤幫拉強姦嗣田二因強姦任氏不從將任氏按倒摑住咽喉又慮其甦醒敗露起意致死滅口令馬二疤按腿解帶遞與田二將任氏勒斃是田二雖有強姦之心究無成姦之事則馬二疤祇有加功之罪並無輪姦之謀此案既不得以輪姦首從論亦不便照光棍例科斷自應遵照部駁各按本罪問擬田二除移屍不失輕罪不議外應改依因強姦將本婦立時殺死者斬立決例擬斬立決照例刺字該犯業已在監病故應毋庸議將馬二疤依律擬絞監候等因具題前來據此應如該署督所題馬二疤應改依謀殺人從而加功者絞監候律擬絞監候秋後處決該督前疏既稱所遺鞋底布包業據屍夫曹二小認領應毋庸議田二所取任氏深藍布褂已據田二生供掠奪無從查起田二在監患瘡潰爛身死之處據滿城縣驗訊明確刑禁人等並無凌虐情弊亦毋庸議等語均應如該督所題完結查此案引律錯誤之承審核轉各官例有處分應仍令該督查取職名送部核議再該署督疏稱曹任氏猝遇強暴守死不污洵屬節烈可嘉附請旌表以維風化等語查曹任氏因田二強姦不從致被勒死洵屬節烈可嘉應照例准其旌表俟命下之日行令該督轉飭該犯地方官照例遵行等因嘉慶七年九月二十七日題二十九日奉旨馬二疤

男子和
妻仇
案

依議應絞著監候秋後處決餘依議欽此

廣東司

一起爲報驗事會看得揭陽縣民孫雙喜拒姦致傷李亨錫身死一案先據廣東巡撫郭疏

稱緣李亨錫開張雜貨鋪生理孫雙喜時向買物熟識乾隆五十四年八月初十日孫雙喜至李亨錫鋪中買物李亨錫因其年輕起意雞姦隨邀孫雙喜在鋪後房內飲酒哄誘成姦以後乘便雞姦已非一次五十六年正月初八日孫雙喜又往李亨錫家中姦宿回歸伊母孫趙氏因其無端出外耳有風聞用言盤詰孫雙喜不能隱瞞據實告知孫趙氏當將孫雙喜責打并投明夫兄孫阿尖欲赴控究李亨錫聞知畏懼央浼伊母舅孫阿安向孫趙氏調處賠禮寢息孫趙氏禁止孫雙喜不許復與李亨錫見面旋隨同孫阿尖赴陸豐縣碣石地方學習生理五十七年閏四月內孫雙喜跟隨孫阿尖歸家五月初八日孫阿尖因事外出令孫雙喜代爲看管門戶定更時候孫雙喜站立門首等待孫阿尖適李亨錫經過看見詢知孫阿尖未回圖續舊好邀孫雙喜至鋪飲酒孫雙喜不允走進房內李亨錫跟入拉住孫雙喜求姦孫雙喜堅拒不從聲喊李亨錫卽拾桌上小刀向戳孫雙喜閃避奪刀回戳致傷李亨錫右腰眼倒地時有鄰人孫阿岳聞聲趨救不及孫阿尖亦自外回家詢問情由孫阿岳報之李亨錫之弟李亨錫到看扶回敷治李亨錫傷重延至初九日早殞命孫雙喜畏罪潛逃屍弟投保報縣詣驗獲犯訊供通詳屢審孫雙